

CYNGOR CYMUNED MANORDEILO A SALEM CYFARFOD 10^{fed} HYDREF 2018

Cynhaliwyd cyfarfod Cyngor Cymuned Manordeilo a Salem am 7.30pm ar y 10^{fed} Hydref 2018 yn yr Ystafell Ddarllen, Cwmifor.

PRESENNOL

Cynghorwyr Alun Davies, Peter Harries, William Loynton, Owen Williams a'r Cynghorydd Sir Joseph Davies.

1. CROESO AC YMDDIHEURIADAU

Cymerwyd y Gadair gan y Cyng. Alun Davies a chroesawodd bawb i'r cyfarfod. Derbyniwyd ymddiheuriadau gan y Cynghorwyr Arwel Davies, Gwenfyl Evans, Dorian Jenkins, Doris Jones ac Andrew Thomas.

2. CADARNHAU COFNODION Y CYFARFOD DIWETHAF

Cynigiwyd gan y Cyng. O. Williams eiliwyd gan y Cyng. P. Harries ac roedd pawb yn gytûn bod cofnodion y cyfarfod diwethaf a gynhaliwyd 12^{fed} Medi 2018, fel ag y maent wedi'u teipio a'u dosbarthu, yn gywir.

Arwyddwyd gan y Cadeirydd.

3. DATGANIADAU O DDIDDORDEB

Ni dderbyniwyd unrhyw Ddatganiadau o Ddiddordeb.

4. MATERION YN CODI

2. Mae manylion a gwybodaeth gyswllt ar gyfer y Prosiect Gwirfoddoli Lleol wedi'i osod ar wefan y Cyngor.

4.4.4.4.13i) Roedd y Cynghorydd Sir J. Davies yn cwrdd â chynrychiolydd o Gyngor Sir Gâr (C.S.G.) y diwrnod canlynol mewn perthynas â gosod bin sbwriel ychwanegol ym Manordeilo. Cyng. J. Davies

4. 4.4.10 Mae'r Clerc wedi ysgrifennu at Mr Paul Davies yn gofyn iddo wneud y gwaith adfer/clirio a argymhellwyd yn Ardal Chwarae Caledfwlch ar gost o £100.

6xiv) Mae'r Clerc wedi cylchredeg yr Adolygiad o'r Sector Cynghorau Tref a Chymuned yng Nghymru i Gynghorwyr.

11. Mae'r Rhybuddion o Gwblhau'r Archwiliad wedi'u gosod ar hysbysfyrddau Neuadd Bentref Salem ac Ystafell Ddarllen Manordeilo.

5. GOHEBIAETH

i) C.S.G. cais am ddata Cod Ymddygiad, Clerc i ymateb.

Clerc

ii) C.S.G. cyfarfod o'r Fforwm Cyswllt Cynghorau Tref a Chymuned.

Cyng. O. Williams

iii) C.S.G. Strategaeth Toiledau Lleol.

Nodwyd

iv) C.S.G. enwebiadau Personoliaeth Chwaraeon, Cynghorwyr i hysbysu'r Clerc o unrhyw enwebiadau yr hoffent eu gwneud.

Pawb

v) Arolwg Cyhoeddus ac Adroddiad Blynyddol Panel Heddlu a Throsedd Dyfed Powys, Clerc i'w gylchredeg i Gynghorwyr.

Clerc

vi) Adroddiad Blynyddol Drafft Panel Annibynnol Cymru ar Gydabyddiaeth Ariannol er ymgynghori.

Nodwyd

vii) Un Llais Cymru, gwybodaeth yn cynnwys hyfforddiant, deddfwriaeth ac ymgynghoriadau.

Nodwyd

viii) Cynllun Corfforaethol Drafft Gwasanaeth Tan ac Achub Canolbarth a Gorllewin Cymru ar gyfer 2019-2024.

Nodwyd

ix) 'Imagesbyhand' – cyflenwyr mapiau plwyf

Nodwyd

x) Elusen Cariad, hyfforddiant diffiblwyr a chymorth cyntaf sylfaenol ddydd Mercher 24 Hydref yn 'Live Fit Gym', Beechwood. Cynghorwyr i'w hyrwyddo mor eang â phosib. Unwaith eto mynegwyd pryder nad oes digon o bobl yn gwybod am argaeledd a lleoliad y diffiblwyr a dylid hyrwyddo hyn ar safleoedd cyfryngau cymdeithasol y Cyngor. Clerc i holi'r Elusen Cariad am arwyddion cyffredinol yn enwedig ar gyfer yr uned yn y Plough gan nad yw aelodau'r gymuned yn ymwybodol ohono. Y Clerc hefyd i holi ynghylch argaeledd cardiau maint cardiau busnes gyda'r prif bwyntiau gweithredu arnynt pe bai trawiad ar y galon yn digwydd y gellir eu dosbarthu i aelodau'r gymuned. Trefnir rhagor o sesiynau hyfforddi yn y gwanwyn a bydd y Clerc yn diwygio'r cais A4A am ragor o ddiffiblwyr ac yn ail gyflwyno.

Cyng. O. Williams/Clerc

6. ADOLYGIAD O'R GYLLIDEB

Nid oedd yn bosib rhoi adolygiad o'r gyllideb gan nad yw'r gyfriflen banc wedi'i derbyn. Bydd y Clerc yn darparu manylion y cysoniad banc yn chwarterol.

Clerc

7. GOLEUADAU

Dim i'w drafod

8. LLWYBRAU TROED

Mewn perthynas â Llwybr Troed Tyle, bydd y Cyng. Arwel Davies yn trefnu gyda Mr Edward Williams i ymgymryd â gwaith cynnal a chadw ddiwedd tymor ac mae'r Clerc wedi gofyn i ffermwr y tir sydd wrth ymyl pe byddai'r contractwr yn fodlon torri wrth ymyl y llwybr troed tra ei fod wrthi'n torri perth y cae.

9. CYNLLUNIO

Ni dderbyniwyd unrhyw geisiadau cynllunio newydd.

Rhybudd o apêl wedi'i gyflwyno yn erbyn penderfyniad Cyngor Sir Gâr i wrthod caniatâd cynllunio ar gyfer E/34934 Un Annedd Breswyl Newydd ac Adeiladau Atodol (Datblygiad 'One Planet')

Tir a oedd gynt yn rhan o Fferm yr Hope
Llandeilo
SA19 7UR

Cymerir sylwadau gwreiddiol y Cyngor Cymuned i ystyriaeth yn yr Apêl. Sef: mae'r Cyngor yn gwrthwynebu'r cais cynllunio hwn oherwydd:

- bod y safle wedi'i leoli ymhell y tu allan i gyfyngiadau'r cynllun datblygu a gymeradwywyd
- effeithir ar brydferthwch yr ardal wledig oddi amgylch
- mynedfa beryglus i'r B4302 sy'n ffordd brysur

10. CYNLLUN BUSNES

Cafwyd trafodaethau pellach ynglŷn â chreu cynllun busnes yn amlinellu rolau a chyfrifoldebau'r Cyngor a'i gynlluniau i'r dyfodol. Clerc i gysylltu ag Un Llais Cymru i holi a oes ganddynt dempled a dylid ychwanegu hyn i agenda mis nesaf.

Clerc

11. GWASANAETH SUL Y COFIO

Yn dilyn cais gan Eglwys Taliaris bydd y gwasanaeth eleni yn cychwyn am 10.45am. Cadarnhawyd gan Swyddog Cymunedol yr Heddlu Roger Anthony y byddai'r heddlu yn medru darparu gwasanaeth rheoli traffig ar gyfer yr amser newydd o 11.00am pan fyddent yn gorymdeithio i'r gofeb. Bydd y Clerc yn gwneud y trefniadau ar gyfer y dorch a hefyd y gwaith o dacluso/clirio'r ardal o amgylch y gofeb.

Clerc

12. ANFONEBAU I'W TALU

i) Mrs Jane Davies, Cyflog y Clerc Medi 2018 a threuliau Siec Rhif 1278	£526.25
ii) Ystafell Ddarllen Manordeilo, Llogi'r Neuadd, Gorffennaf a Medi 2018, Siec Rhif 1279	28.00
iii) Mr Alun Davies, Lwfans y Cadeirydd 2018/19, Siec Rhif 1280	220.00
CYFANSWM	£774.25

13. UNRHYW FATER ARALL

i) Roedd y Cynghorwyr Alun Davies, P Harries, W. Loynton, O. Williams a Joseph Davies a'r Clerc wedi cwrdd cyn y cyfarfod er mwyn adolygu'r Rheolau Sefydlog. Bydd y Clerc yn gwneud y newidiadau ac awgrymwyd y dylid anfon allan ar e-bost/post i bob Cynghorydd am drafodaeth ac i'w mabwysiadu yng nghyfarfod mis Tachwedd. Clerc

ii) Bydd y Cyng. Arwel Davies yn cysylltu â Mr Edward Williams ynglŷn â thoriad olaf o'r borfa yn Nolau Tywi, os oes angen. Cyng. A Davies

Gan nad oedd rhagor o fusnes, diolchodd y Cadeirydd i aelodau am fynychu a daeth y cyfarfod i ben am 9.00pm.